



## K'UIRIPUERI MÍTETARAKUA

### Ixu FIRAo, kuach'akua k'uiripuери мítetarakueecha juchari k'amanharhintsikueesti

#### ¿Ampeeski k'uiripuери мítetarakueecha?

lámintu imani ampe éнка ampe jimpo ma k'uiripu úaka mítent'anhani o mítentant'ani, éski arhikuarhikua, nani éнка irekaka, RFC, CURP, teléfono, correo electrónico, ampe p'amenchaxaki, nákieski jakak'ukuempa, néni tsitisini achaatini o uarhiitini, ka máteru ampe.

#### ¿Néeriiskiksi?

T'uchitiestiksi tsimi mítetarakueecha ka t'urisí uantaaka néni, pari ampe, káni ka ampe jimpo íntspaniri.

#### Patsakueeri eianpekua

Patsakueeri eianpekua ma karakateesti (siranteeri o digita ampe) éнка juramukata jaka ka k'uiripuecha ka kúnkuarhikueecha énkaksí íntsinajka k'uiripuери eianpekueechani arhinhasintiksi k'amanharhintsikua jatsiriicha. Arini eianpekuani jimpo xarhasintí náki mítetarakueechani jatsiaski ka náksí marhuatanhaxaki.

#### Juramukua ARCO arhikata

Jinteesti kuach'akuecha éнка k'uiripuecha marhuatakuarhiaka ka arini jimpo úatiksí mítini, mót'akuni éka no sési jauaka, kéntitani ka no jaiapint'ani ékaksí no sési úranhani jauaka.

- Inchani  
Jakankuarhiti jatsiri úati inchani ka mítini imeeri k'uiripuери мítetarakueechani éнка máteru ne jatsiaka ka ístu mítini náksí marhuatanhaxaki imeeri mítetarakueecha.
- Mót'akuani  
Jakankuarhiti jatsiri úati kurhak'uarhini éska mót'akunhaka éka exeska éska imeeri mítetarakueecha no sési jauaka ka éka ampe ma kueratakuni jauaka.
- Kéntitani  
Jakankuarhiti jatsiri úati kurhak'uarhini éska kéntitanhaaka imeeri mítetarakuecha ka nóteruksí jarhani patsakata jima karakata jimpo ka máteru patsarakua jimpo ka pákuarhiant'ani ka nóteruksí marhuatanhani jima.
- No jeiapiniant'ani  
Jakankuarhiti jatsiri úati no jeiapinaint'ani na énkaksí marhuatanhani jaka imeeri eyankpetarakueecha ka uantani éska nóteruksí marhuatanhaaka éka:
  1. Éka ma ampe jimpo uétarhiaka éska mítetarpekueecha no jauaka jima jimpoki no sési úkuxatiksí imani k'uiripuni.
  2. No uékasínka éska eiankpetarakueecha marhuatanhaka ma ampe jimpo.

#### ¿Na marhuatani imani kuach'akua ARCO, FIRArhu?

Ch'a úaka marhuatani arini kuach'akuani mítekuerei, mót'akuani ékaksí no sési jauaka, sési jatsint'ani, ka ístu no jeiapiniant'ani ékaksí no sési úrani jauaka k'uiripuери eianpekuani (kuach'akua ARCO) jimamentu Unidad de Transparenciarhu FIRArhu anapu, jarhasti Antigua Carretera a Pátzcuaro No. 8555, Ex hacienda San José de la Huerta C.P. 58342 Morelia, Michoacán, ka ístu Plataforma Nacional de Transparencia (<http://www.plataformadetransparencia.org.mx/>) ka Correo electrónico [utransparencia@fira.gob.mx](mailto:utransparencia@fira.gob.mx)

Ékari uék'a mítini náni na marhuatakuarhini arini kuach'akueechani úakari jurhani ixu Unidad de Transparencia ka ístu axani karakata correo electrónico jimpo jima énkaksini k'amakuka eiankuni.

Traducido por:  
Prof.<sup>a</sup> Alicia Mateo Manzo  
Departamento de Idiomas de la UMSNH



#### Unidad de Transparencia FIRA anapu

Antigua Carretera a Pátzcuaro No. 8555  
Col. Exhacienda San José de La Huerta  
Tel: (01 443) 3-20-01-01  
extensiones: 12219, 12285 y 11540.  
[utransparencia@fira.gob.mx](mailto:utransparencia@fira.gob.mx)

